

nêz ji welatî • şareza • serweriya qanûnê

Diyardeyên sûcê li qada giştî ji hêla kes an komên mirovan ve

Agahiyên pêşlêgirtinê ji bo welatiyan

Tevgera ewlekarî, wekî ku hûn ji trafîka jû pê dizanin, li her tevgerê re li qada giştî derbas dibe. Tevgera pêşbîniyê dihêle hûn xetereyan nas bikin û di wextê de ji wan dûr bikevin. Nihêrtina we ya ji xetereyên muhtemel û dûrketina ji rewşên xeternak yê li qada giştî divê ne wekî sînordariyek azadiya we ya şexsî, lê wekî zêdekirina ewlehiya we were fêmkirin.

Hîsa ewlehiyê û ewlehiya rastîn li qada giştî dikare bi şîretên tevgerê yê jêrîn were baştirkirin:

- Heger hûn rastî kesek an komek mirovên ku hûn wan tehdîd dibînin re werin (mînak serxweş, mirovên zordar), wê hingê dibe ku biryarek çêtir be ku meriv xwe ji vî kes an komê dûr bixe û rêyek dirêjtir bide ber xwe. Heger mûmkîn be û hûn xwe ewletir hîs bikin, ber bi qeraxa girseyê biçin da ku bigihîjin armanca xwe. Dûrketina ji xeterek hîs pêkirî qet nîşana tirsonekiyê nîne, lê belê „aqilê selîm“ nîşan dide.
- Gava ku hûn di rê de ne, ew dikare bi-be alîkar ku hûn di komekê de li hev bicivin û li hev miqate bin û heger hewce be, piştgirî bidin hev. Heger hûn xwe di rewşek xeternak de bibînin, bala xwe bidin ser xwe û rewşa xwe.

Bi qîrîna hevokên bilind yê wekî „Dest nede min“, „Êrîş li min tê kirin!“, an jî bi amûrên alarman û pîspîsokan bal bîkşînin ser xwe û raya giştî biafrînin.

- Bi awayekî aktîf ji temaşevanan, mînak, wek kesên derbasbûyî, bixwazin ku alîkariyê bidin. Bi taybet bi van kesan re bi gotinên wek „Hûn bi çakête şîn! Pêdiviya min bi alîkariyê heye!“ biaxivin. Bi vî awayî, dibe ku kesên din rewşa we ya acîl nas bikin û bi hejmara acîl 110 re telefon bikin da ku ji polîs alîkariyê bixwazin.
- Hewil bidin ku li ser rêya xwe ya bi-jartî bidomînin an ber bi deverên ewle vekêşin. Deverên ewledar dikarin cîhên karsaziyê yê vekirî, veguhestina gelemperî, stasyonên benzînê an jî taksî bin. Hema ku hûn dîsa xwe ewle hîs bikin, bi jimareya acîl 110 polîs agahdar bikin.
- Her çend hûn bi xwe tu gefê li ser xwe nebînin jî, lê heger hûn tevgerên dersînorî an tehdîdkar yê kes an koman li hember mirovên din bibînin, dudil nebin ku bi jimareya acîl „110“ polîs agahdar bikin!
- Di her rewşê de li ba polîs giliyê sûcê qeyd bikin.

Agahî li ser îhtûmala hilgirtina çekên berevaniyê:

Polîs bikaranîna çekên bi navê berevaniyê krîtîk dibîne, yê wek spreya berevaniyê. Her nezelalîyek di tevgerê de, her bi derengketinek di karanîna çeka berevaniyê de dikare encamên kujer ji we re pêk bîne. Dibe ku sûcdar jî bikaribe „çeka berevaniyê“ ji destê we bigire û paşê li dijî we bikar bîne. Bikaranîna spreya berevaniyê yê li dijî mirovan, heger ew birîndar bibin, dikare di lêpîrsîneke sûcê de pêvajoya lêpîrsînê li pey xwe bîne.

Bala xwe bidin ku hemî çekên ku di bin qanûna çekan de ne û di bin hin şert û mercan de destûra „hilgirtin“a wan di nav gel de heye, li gorî § 42 ya Zagona Çekan hilgirtina wan di bûyerên giştî de qedexe ye. Ev yek sûc e. Hûn dikarin bêtir agahdarî ji naven-da polîsê xwe ya herêmî bistînin.

<https://polizei.nrw/wachenfinder>